

*Galdera bakoitzarentzat zuzena den erantzuna aukeratu. Orokorrean, erantzun zuzena bakarra da. Hala ere, batzuetan, aukeran ematen diren erantzunak zuzenak dira. Kasu horietan, osoagoa den erantzuna aukeratu beharko duzu.*

1.- Zuzenbidearentzat errealitatean sortzen diren egitateek garrantzi bera dute.

A.- Egia.

B.- Gezurra.

2.- Garrantzi juridikoa duten egitateek errealitate juridikoan aldaketa bat sortarazten dute.

A.- Bai, berez sortarazten dute.

B.- Bai, Legeak egozten die euren efektu juridikoa.

3.- Egintza juridikoa zentzu hertsian, efektua

A.- *Ex lege* sortzen da

B.- *Ex voluntate* sortzen da. Giza-borondateak efektuen ekoizpenean jarduteaz gain, haien irismenaren, hedaduraren eta egotearen determinazioan parte hartzen du.

4.- Borondate deklarazioa egintza juridiko bat da, efektu juridiko bat sortarazteko nahia adierazten duena

A.- Egia.

B.- Gezurra.

5.- Isiltasuna esanbidezko borondate deklarazioa izan daiteke.

A.- Ez, ezinezkoa baita.

B.- Horretarako alderdiek balio hori eman behar diote.

6.- Kontratuzko borondate deklarazioak hartagarriak eta sustantiboak dira.

A.- Egia.

B.- Gezurra.

7.- Autonomia pribatuari esker gizabanakoek ondarezko edukia duen edozein kontratu sor dezakete

A.- Bai, beti ere legeak, moralak eta orden publikoa gainditu gabe.

B.- Bai, inolako mugarik gabe.

8.- Autonomia pribatuari esker negozio juridikoak burutu daitezke.

A.- Egia. Ad.: kontratuak eta testamentuak.

B.- Gezurra.

9.- Nahiz eta orokorrean kontratua aldebitako negozio juridikoa izan, aldebateko negozio juridikoa bezala ulertu behar da kontratatzaile bakar batentzat obligazioak sortzen baditu.

A.- Egia.

B.- Gezurra.

10.- Salmenta perfektionatuta gero, eroslea kontratuaren objektua den gauzaren jabea da.

A.- Egia.

B.- Gezurra.

11.- Salmenta kontratuan KZak arautzen dituen *traditio* formak-KZaren 1462-1464 art. tartea- salmenta kontratuari aplikatzen zaizkio eskusiboki.

A.- Egia.

B.- Gezurra.

12.- Espainiako sistema kontratu arloan adostasunezkoa dela esaten badugu, zera esan nahi dugu:

A.- adostasuna kontratuaren arima dela.

B.- kontratua adostasun hutsarekin perfektionatzen dela.

13.- KZaren 1280. art.ak gure sistema juridikoan "*ad solemnitatem*" formak ezartzen ditu. Horrek azaltzen du KZaren 1279. art.an oinarriturik alderdiek aukera izatea elkar formalitateen betetzea exigitu ahal izateko.

A.- Egia.

B.- Gezurra.

14.- Hipoteka era baliogarri batean eratzeko, zera exigitzen da:

A.- Eskritura publikoa esleitzea.

B.- Eskritura publikoa esleitzea eta Jabetza Erregistroan iskribatzea.

15.-Ondasun higiezin baten salmentaren perfektionamenduarentzat gure sisteman eskritura publikoa exigitzen da.

A.- Egia.

B.- Gezurra.

16.-Ondasun higiezin baten dohaintzaren perfektionamenduarentzat gure sisteman eskritura publikoa exigitzen da.

A.- Egia.

B.- Gezurra.

17.- Ezkontz-hitzaurreak formalak dira. Nahitaezkoa da idatziz egitea.

A.- Dokumentu pribatua edo publikoa.

B.- Eskritura publikoa.

18.- Nola kalifikatzen ditu doktrinak kontratuak jaiotzeko behar dituen ukanbeharrak?

A.- Oinarrizko elementuak.

B.- Elementu naturalak.

19.- Zerrendatu kontratuaren oinarrizko elementuak.

A.- Adostasuna eta objektua.

B.- Adostasuna, objektua eta kausa.

20.- KZaren 1263. art.aren arabera ezin dute adostasunik eman –ez dute kontratuak egiteko gaitasunik:-

A.- adin-txikikoek eta ezgaituek.

B.- adin-txikiko emantzipatugabeek eta ezgaituek.

21.- Emantzipatuta dauden adin-txikikoek kontratuak egiteko erabateko gaitasuna dute.

A.- Egia.

B.- Gezurra.

22.- Adin-txikiko emantzipatugabeek kontratuak egiteko erabateko gaitasuna dute.

A.- Egia.

B.- Gezurra.

23.- KZaren 1459. art.ak ezartzen duenean: "Ezin dituzte erosketaren bidez eskuratu, ezta jendeaurreko edo epaiketazko enkantearen bidez ere, dela zuzenean, dela tartean jarritako beste pertsona baten bidez: 1) Tutoretza karguan ari direnek, euren zaintza edo babespean jarritako pertsonaren edo pertsonen ondasunak. 2) Mandatariek, euren administratu edo besterendu beharreko ondasunak. 3) Albazeek, euren ardurapean jarritako ondasunak. 4) Enplegatu publikoek [...]. 5) Magistratuek [...]".

A.- Kontratatzeko ezgaitasun supostuak ezartzen ditu.

B.- Kontratatzeko debeku supostuak ezartzen ditu.

24.- Legezko debekuaren kontra burutu diren kontratuek jarduteko gaitasunik ez duten pertsonak egindako kontratuei ezartzen zaien santzio bera dute.

A.- Egia.

B.- Gezurra.

25.- Gauza materialak edo giza egintzak (zerbitzuak edo abstentzioak) kontratuaren objektu zuzena dela esan daiteke.

A.- Egia.

B.- Gezurra.

26.- Herri-jabetzako ondasunak ezin dira kontratu baten objektu izan.

A.- Egia.

B.- Gezurra.

27.- Geroko gauzak kontratuaren objektua izan daitezkeenez, etorkizuneko jaraunspena ere kontratuaren objektua izan daiteke.

A.- Egia. Gure sistemak, arau orokor gisa, oinordetza hitzarmenak onartzen ditu.

B.- Gezurra. KZak, arau orokor gisa, oinordetza kontratuak debekatzen ditu.

28.- Subjektu batek kontratu bat egiten du, zeini jarraiki ezinezkoa den zerbitzu bat egitera obligatzen den. Kasu honetan, kontratua ez da existituko, ez baitu objekturik.

A.- Beti ere ezintasuna objektiboa bada.

B.- Bai ezintasuna subjektiboa denean bai objektiboa denean.

29.- Kostu bidezko kontratuetan,

A.- alderdi kontratugile bakoitzarentzat kontratuaren kausa izango da beste kontratugileak gauza edo zerbitzu bat eman edo hitzematea.

B.- kontratuaren kausa izango da ordaindu beharreko zerbitzua edo onura.

30.- Kausarik gabeko kontratuak edo zilegia ez den kausa dutenek ez dute inolako efekturik sortzen.

A.- Egia.

B.- Gezurra.

31.- Kontratuetan kausa faltsua adierazteak deuseztasuna dakar, nahiz eta frogatu kontratu horien oinarria beste kausa egiazko eta zilegi bat zela.

A.- Egia.

B.- Gezurra.

32.- Kontratuan ez bada kausa adierazten, kontratua erabat deuseza da.

A.- Egia.

B.- Gezurra.

33.- Nereak eta Jokinek ondasun higiezin baten salmenta ahoz egiten dute. Jokinek salmentaren baliotasunaren gaineko zalantzak ditu, ez baita eskritura publikorik esleitu. Nahiz eta ahoz egin, kontratua zuzena da?

A.- Bai, gure ordenamenduan eraentzen duen forma askatasun printzipio orokorrak higiezin salmentak barneratzen ditu

B.- Ez, higiezin salmenta kontratu solemnea da eta eskritura publikoa behar du.

34.- KZaren 1280. art.ak exigitzen dituen formak nahitaezkoak dira artikuluak berak aurreikusten dituen negozio juridikoen perfektionamenduarentzat.

A.- Egia.

B.- Gezurra.

35.- Ondasun higiezin dohaintza idatziz egin behar da, dokumentu pribatuan nahiz eskritura publikoan.

A.- Egia.

B.- Gezurra.